

兩浙名賢錄

兩浙名賢錄卷六目次

孝友

明

胡惟輔剛

國子博士王仲縉紳

姚封公伯華

劉謙

丁文彥美

黃彥甫附

王公亮冕

謝原規矩

祝潛山崑

父大昌附

李景叅叅

盛本源

樂柝

弟悅附

葉琮

沈原懋善康

夏道昌

秦汝清涇

貞孝處士鄭仲涵涇

從弟廣涇附

姚文

顧孝子薇

青德居士鄭子敬欽

高珣

馬叔良純

光化知縣張伯樗壽祖

朱士貞助

吳克素希汴

彭水知縣盧祥卿

子顯敬附

鄭伯規璧

陳敬

朱煦

陳錫玄圭

江浦教諭祝廷心金

李仕開

三子孝直悌  
進忠進附

危文學貞昉

趙以行紳

葉文榮

繆薰

喻祿孫

許廷璧瓏

子元  
祥附

徐恩

馬孝子扁

蔣孔志鶴

鮑孟彝倫

檀孝子郁

黃仲信鐸

祖原  
照附

崔彥齡永

何永年良

鄒昊

丁允中微

趙文學初

吳伯昭  
牛通附

夏正寅寅

二子煥  
附

張處重

妻周氏  
附

楊上合錚

孫梁  
附

廣州守沈公禮琮

弟璋  
附

桂恭

周應麟廷瑞

馬璩

季彥良養

杜孝子濬

孫經

弟緯  
附

朱仲穆子堯

弟子  
理附

孫仲文宗敵

章希盛蕞

潘沆

子柔  
附

方賁

趙司訓夔

王士忠葵

瀘州知州宗濟才祉

翁世宏浩

馮文學圻

虞靜之灌

虞仲賢紳

王瑁

魏尚敬忠

陳德茂滋

李邦貢龜

何養仁詒

梁祚

孫都昌文原

孟春

何邦直兢

陳廷章璋

妻錢氏附

樊迪

樂子仁惠

何宗道倫

喻文學孜

太常寺少卿潘府

感恩知縣董道卿遵

後子  
登附

董宗順叔

周豪

唐布衣熊

朱文學泰

妻吳氏附

劉晉

凌太守立

沈良十

陳受益謙

弟讓附

王教授錦

向文學叙

童景文暉

馮文學履祥

陳昂

子九德一德  
孫懿真附

贈侍郎張汝誠懋

四子二  
孫附

陸尚質

提學僉事江子望圻

吳叔良人驥

妻談氏附

何士明倫

顧昌令孫天會朝宗

刑部郎中鄭叔平履準

王孝子伯化

趙川先生朱寅取陳範

尚實司卿孫墀

龔汝霖曇

潘時循瑒

何兆三

虞國賓舜卿

戴孝子華

兩浙名賢錄卷六目次終

兩浙名賢錄卷之六

東海徐象梅仲和氏誤

當湖陸錫命仲敬氏閱

孝友

明 共一百四十人

胡惟輔剛

胡剛字惟輔新昌人。生有至性。洪武初其父謫役泗上。以逃役當刑。勅附馬都尉梅伯殷監斬。時剛往省侍役。於待渡間聞之。遂裸跣泗河而渡。奔走哀訴。請以身代。

言與淚俱情甚懇迫梅憐而奏宥其父同坐者八十二人俱免死准人至今傳頌云。

國子博士王仲縉紳

王紳字仲縉學士禕之子也年十三穎敏過人宋濂一見奇之曰華川有子洪武十五年蜀王禮聘教授蜀麻紳痛父遺幣未返丘隴白王走雲南慟哭行求不能得卽莫死所仰天一號絕而復甦滇人感愴稱王孝子建文卽位以薦召爲國子博士預修高皇實錄與方孝孺友善嘗尊孝儒爲百代儒宗建文元年紳上言父死

節狀且曰陛下方隆孝治而明詔又有旌表節義之條  
正徵臣得展情事之時先臣志節獲伸之日也下翰林  
定議降制特贈祿林學士奉議大夫諡文節開國以  
來文臣有諡自補始也時寒義被拔擢而好與時浮沉  
紳上書勸之曰執事方負天下重望治否安危實繫於  
進退去取之是非而所任非其所長所職非其所事位  
高於器則有覆餗之患才過於職則有積薪之譏非其  
才而強委之至於債事則是執事欲爲尋常無聞之人  
而不可得况敢望其逸樂優游而與時俗上下乎義得

黃極誠之。建文二年卒。年四十有一。子稔。字叔豐。少有志行。壯力學問。性至孝。紳痛念父歿。食不兼味。稔遵教。子孫相承。數十年不變。父母喪三年。酒肉不入口。卒年五十九。門人私諡曰孝莊先生。餘在獨行錄中。

姚封公伯華

姚伯華。桐廬人。年二十未娶。事父母極孝。晨昏定省。未嘗去左右。元末兵亂。桐廬在浙上游。寇逼於杭。獨當其衝。寇盜旁午。肆剽掠。民不聊生。父母妻子各逃匿山崖。不相顧。伯華父母時年俱六十餘。家頗溫厚。度不能存。

奉親陞闕原山中各挾貲以行倉卒爲羣盜所迫枝葉  
莽闢散失不知所在盜過父不虞後盜之至也出呼其  
子遂爲盜所得妻聞知賫所挾物馳救其夫盜併驅以  
去至一山澗路崎險夫婦老不能步裏訴乞免盜怒並  
推之下墜石死明日盜稍退伯華遍野追求不可得哭  
聲徹天忽有指示曰爾親在崖下趨視之則皆死矣伯  
華計盜來未已用絳紬被二裹其父母以肩擔之乘夜  
由間道奔桐江時江無舟躊躇間忽漁人棹小舟向岸  
來伯華出銀銅一隻付之載以渡南岸復肩擔二骸至

燒家山祖墳之右採樹葉掩之徐用木椎挖土飢寒無  
力又虞他盜之窺覲也晝伏夜作二晝夜穴成深可丈  
餘負二骸殞於穴仍負土築壘高三尺痛哭嘔血而出  
未幾明興四海大定民各復業於是伯華歸卽舊基而  
屋之孑然一身形影相弔乃因其族嫂宋氏聘錢唐楊  
氏爲媵生三子家業漸饒伯華痛二親死非其所每一  
念至悲不自勝計其遇難時二月也不知其死之日故  
每臨二月則終月絕酒食不如葷不接賓客獨擁爐自  
泣手持杖畫灰隱痛裂肺肝淚傾注灰盡濕不已或問

之故。不答勸之。益嗚咽。弗已。進飲食。輒推去。奉祭祀。執爵。哀哀呼父母。如在膝下。時聞者無不感動。伯華記。逃難日。乏草履。幾不免。尋以銀釵購得之。始獲濟。遂終身。手織草履以施貧。弗取直。三子生八鬲。鬲者曰夔。吏部尚書。龍河南左叅政。子孫男女。不下七百指。伯華壽七十卒。贈通議大夫。禮部右侍郎。

### 劉謙

劉謙。山陰人。洪武中。父誦戍雲南。伯兄又以督運死京師。謙甫六歲。輒知痛父。一日問家人曰。雲南在越何方。

家人以西南指之。輒朝夕向西南遙拜。年十四歲。曼然曰。雲南雖萬里。天下豈有無父之子哉。治裝爲尋父計。時滇夷初服。道路荆楚。歷六月。抵雲南。艱辛萬狀。遇父於逆旅。相持號痛。行道傷悲。俄而父患瘋痺。欲以身代戍。冀得歸父。而國法戍邊者。惟十六以上。嫡長男始得更替。於是復歸。携伯兄子往。而伯兄子亦尚孱弱。又復歸。悉鬻家資。以往。蓋三返雲南。始得歸其父也。父歸家。徒四壁。幾不能爲生。謙力供菽水。晨昏必極其歡。督學使者張倬爲傳其事。

丁文彥美

黃彥甫附

丁美字文彥。諸暨人。兄進。洪武初。邁誣被逮。美度兄懦。且納必不免。白於官。請代行進。曰。事在我。汝何與焉。進方欲往。美已赴逮所矣。竟編之徒官。以死。同時有黃彥輔者。其從兄彥實坐誣。州司迫遣將行。彥輔慨然就械。以往。而其事卒白。鄉人皆義之。而於美之死。尤加悼惜焉。

王公亮冕

王冕字公亮。東陽人。居貧。養親。曲盡誠愛。母卒。廬墓。三

年邑令張立嘗雪夜往察之藉苦單薄晁僵卧其上齒相擊有聲而嗚咽號哭不自禁立大加歎賞割俸助之聲稱大著太守劉蒞大書孝行之門旌之仍復其家

謝原規矩

謝矩字原規鄜人父思恭生員與矩矩以父命爲人後員以博士弟子員辟郡從事轉臬掾裁革起赴京師改四川徙臨洮坐事謫戍留守復調涼州橋遷有年而道途梗遠非計月日可至矩常裹糧走萬里資送終其身不衰後以例藉父及妻子俱赴戍所獨矩以別籍免矩

曰。奈何使父與嫂姪獨困苦。邪力請與偕。抵吳門。父以憂憤卒。矩哀毀幾絕。或勸火之。輒號泣曰。此未俗偷風。雖倉卒。吾何忍乎。乃以父柩。權厝旅舍。相嫂姪抵京師。適遇例。以家屬放還。遂復至吳門。迎櫬歸葬。明年。兄歿。成所訃聞。矩又間關數千里。函骨歸。祔先隴。撫其遺孤。益至先人田廬。悉以畀之。薦紳大夫。高其行。謂孝友篤。至君子也。因扁其堂曰孝友。

祝潛山崑

父大昌附

祝崑。麗水祝大昌之子也。大昌隱居養親。以孝稱。母沒。

報在堂家人失火力不能撲伏棺而號其火自滅復觀  
二親像於堂朝夕事之如事生崑之事大昌一如大昌  
之事母洪武初盜賊未增崑奉母避亂山中母被賊逼  
投崖下崑大驚叫擲身赴採忽雷雨大震賊衆驚潰一  
時避難者俱得脫母罔絕崖下崑掛樹枝得不死卒救  
母全活說者謂崑之震雷與大昌之滅火同一冥感父  
子之至行上通于天矣洪武七年舉孝廉擢潛山縣知  
縣未幾卽陳情養母該部移文翰林院修錄入史

李景春叅

李奉字景奉，括之麗水人也。博覽羣書，以能詩名。弱冠  
詣京師，應制賦鐘山曉霽詩，稱旨，賜宴光祿寺，命需次  
錄用，而奉意殊不屑屑也。乃曰：古人不以三公易一日  
之養，吾顧以老母易升斗乎？遂以母老丐歸，日修政於  
家事。母如事嚴君，屏著之間，肅如也。子弟化之。三世無  
異爨云。

盛本源

盛本源，金華人。洪武中，兄本道被鄉里誣誤，罪當死。本  
源謂其兄曰：兄未有嗣，理不可死。我子女四人，願以身

代兄在我猶不死也。如兄死而無後則我遂無兄矣。竟毅然就吏代其死。聞者莫不歎異以爲難。

樂枅

弟稅附

樂枅者明之定海人也。性孝友。家以亭戶籍官。枅承其役弗替。洪武十二年春。會稽錢清高氏許從兄弟。歲輸鹽。痛自縮。迫小民倍其輸。以掩已之數。事上聞。上以浙河以東。亭戶大家。皆罔上賦。下如一律。卽遣使編各倉。覆塩有損常數者。悉起赴京。鞫訊。咸承罪。坐輸作。而枅亦在逮中。方治行。其仲氏稅願代往。枅曰。吾之性也。

生死未可知。設死焉。吾有三子。爾尚無後。其可哉。稅又請縣庭。請代柎。柎白於官曰。柎之名。固不可易。服力。鹽事皆柎也。稅罔知。使往而被鞠。必失對。縣因不敢遣。及柎行。可一里許。稅又追及之。柎叱之去。不聽。卽乘堦。垣以塊提稅。垣之塊去者。半稅度。伯氏心不可回。痛哭而返。十三年夏。柎果死京役中。年三十有六。說者曰。柎之就禍。稅之請代。皆知有不免。而乃毅然爭先。非友愛之篤者。能之乎。稅雖不死。昔固分其死矣。柎雖死。猶不死也。世之兄弟。有較小利害。相仇虐者。聞其風。當何如。

葉琮

葉琮，麗水人也。幼失怙恃，事叔嬭如事父母。叔亡，嬭陳氏性偏常，佯狂逐之。琮盡讓田宅，自居外舍。每旦暮必歸定省。如此者十餘年。陳歿，其子珮以前田宅讓還於兄，自葬其母而和睦之風藹然。

沈原懋壽康

沈壽康，字原懋，海鹽人。早歲爲州吏，事親至孝。親歿，葬祭如禮。廬於墓側，蔬食布衣，終其身。晚習經學，有解悟。信道甚篤，識度絕人。南臺論薦官之，不就。洪武初，知縣。

王文表其鄉曰孝隱。

夏道昌

夏道昌世居鄞之月湖以漁爲業道昌幼孤聽母教唯謹既長而漁日所得魚擇巨者以奉母餘以供薪米之費新寒暑雨未嘗廢業母得痒疾日在申而大作非沸湯沃之弗止道昌出必申歸以供湯沐無後時者鄞俗上元則燒燈以祈歲季秋則賽神以報成道昌至時必奉母出遊母倦行則褰負而進母或不愜意嘯其背出直節長號祈請得怒解復負之行一日道昌漁于新庄

之河得巨鱗。里人厚與之直，堅弗與。里人怒，遂毆之。老人惟而問故，曰：歸以奉母。老人禮而遣之。由是名益著。尚寶袁琪異焉。歲時伏臘，必為酒餼，以燕勞躬為執爵。舉案及母卒，道昌哀毀如不欲生。會有詔錫民孝，弟力田者，果帛有差，道昌力辭弗受。

秦汝清涇

秦涇，字汝清，平湖人。幼喪母，哀毀不勝。服除，像事之如生。及事繼母，失愛。涇事之益謹。然異母弟尤篤。卒，回母心。父卧病，隣火及卧所，扶昇不及。涇但叩頭額，天風反。

大減父殯廬墓終喪知府鄧登高覈實上聞未報而卒

貞孝處士鄭仲涵淵

從弟瀛滙附

鄭淵字仲涵德璋之曾孫也天性至孝母疾侍湯藥年餘弗離病革思食西瓜既食而卒後見瓜輒泣終身不忍食之因念母得贖疾繼喪父哀毀骨立服除猶哀痛過忌日哭奠如初喪殯身不變從學宋太史瀛以古文知名於時及卒宋太史表其墓曰貞孝處士

從弟瀛字仲德性寬默喜怒不形人稱長者主家政二十年子孫從化諸婦寡必守節一家同居歷宋元至洪

武十四年有以寄鈔事誣其家者從弟澠代請史澹謂  
曰我家長當罪於是兄弟爭就獄事聞太祖慰諭之  
且問以治家長久之道澹以謹守家規對上嘉賜酒  
餼遂命除澠福建布政司參政後復有以盜糧誣其家  
者太祖曰鄭氏義門焉作此事宥之後澹以事坐死  
弟洧代就吏死於京人哀之私諡曰貞義處士

### 姚文

姚文杭之前衛左所軍也早喪父事母盡孝身隸戎伍  
每晨出趨役必拜母而往暮還亦如之母卒擇葬地玉

泉山下詰且有數虎聚其地相跑成穴遂舉棺葬焉其  
孝感如此。

顧孝子薇

顧薇海鹽人性至孝童時父母有小疾卽憂形於色湯  
藥必嘗年十八母李死哀慟頓絕良久乃甦水漿不入  
口者三日潛刻一木肖母像事之如生出入必涕泣以  
告一日號呼不已木母忽作聲呼其名家人聞之大驚  
比隣失火將延及伏棺痛哭火回棺卒無恙又繼母戚  
不善視薇薇事之如李不少遺母卒化爲慈人稱爲顧

孝子

青槿居士鄭子敬欽

鄭欽字子敬。太和弟。文厚子也。太和無子。立爲後。孝。天至年十七。生父得麻疾。醫言人血可治。輒刺膚。漉血以和藥。既沒痛悼。終身母病。凡三喪。頂灼臂以額天。撫弟妹極盡恩養。視一家如一身。資婚嫁。有嘉禮。庄遇疎族。有饋食。果。禦寒。舍仁異。然周。窳。置。嘗。續。完。太和所著家規。共七十三則。自號曰青槿居士。

高琦

高瑒山陰人農家子也性朴魯蚤孤而貧行備以供母  
母卒葬刑塘下以母生時畏靜每夕往墓所措苦薄以  
卧四無墻壁地沮洳多虺蛇瑒不以爲患歷三載不輟  
嘗遇寒時有物夜來暖瑒足以爲常瑒初意其猶也或  
以告人人審覘之始知其爲狐郡邑上其事於朝學士  
大夫多爲詩歌以傳之

馬叔良純

馬純字叔良其先西域人也元末父景華避亂居於錢  
唐叔良弱冠景華沒每一號慟輒頓絕景華臨終時屬

叔良曰我葬後當十日一墓省叔良如期必往哭哀會  
稽張天民捐介少許可特爲賦馬孝子夢椿詩一時士  
大夫多著述以彰其事奉母復備至飲食必躬調以適  
得一美物或出外見一新果必歸奉母承顏順色未嘗  
輕去左右或勸之仕曰吾忍一日離吾母乎母疾傍徨  
管教形爲枯瘁母沒號泣勺水不入口者三日旣葬廬  
墓三年作哭母詩懷母賦以寫其哀鄉人誦之咸稱爲  
馬孝子與人交尚風義其師沒無子爲管塚奉神主於  
家塾朔望必束帶拜謁春秋祭奠必以時致恪焉

光化知縣張伯樗壽祖

張壽祖字伯樗，浦江人。性孝。父早喪，母患乳核，荏苒二十年，成癰，勿潰。壽祖親吮之，而愈。祖齊賢，年九十餘，寢疾累歲，壽祖侍湯藥，無倦色。母後亡，毀瘠如不勝。貧，不外慕，投徒爲業。洪武廿五年，以耆老召，歷事戶曹，除光化知縣，以壽終。

朱士貞助

朱助字士貞，妻之湯溪人也。天性孝友，母卒廬墓，孝感三異。家毀於火，而師萊堂扁出煨燼，若新。盆柏蒼枝，致

賣鳥卵育馴而不驚家有母犬老瘠病瘡其兒啣食食之聞者歎未曾有其兄士安謫戍麻陽歲具衣錢走戍所資給之每歲飢輒出粟貸貧而不收其息里中有貧舉富人貸而力不能償者輒代償之其他善行多類此

吳克素希汴

吳希汴字克素新昌人性柔順事父宗信務得其懽心洪武初民斷指者法戍邊宗信以疾失將指之半里正將捕之希汴憂形於色會有善接指者人弗之信希汴獨心喜乃截右足小指接父將指彼此血出淋漓月餘

奉愈指果續已而瘡復潰指斷如故希汗額天誠禱復  
截左足小指接如前法血交氣貫一指宛然如生鄉里  
驚異以爲孝感所致

彭水知縣盧祥卿

子顯敬附

盧祥卿名景德以字行鄞人也嘗隸金陵尺籍洪武初  
以勝國世職漕運命督造海運船已而船破運折坐侵  
漁逮獄將就戮其二子顯敬匍匐詣闕請代顯泣訴曰  
督造雖臣父名而侵漁實臣顯臣罪當死敬曰兄顯佐  
父周旋運事造船之謀臣敬獨知之臣罪當死 上矜

之。庶得其寃。遂兩釋焉。祥卿竟以賢良舉於朝。授四庫。彭水縣知縣。九載考績。坐誣誤。謫戍雲南左衛。顯復哀。訴乞代。上曰。真孝子也。祥卿有子如是。着冠帶寧家。既歸。與伯兄雲卿相友。愛有古棠棣風。

### 鄭伯規壁

鄭壁字伯規。仁和人。讀書好古。天性至孝。父沒。方斂。隣不戒火。相剝於廬。壁披髮積首。額天號泣。以身捍棺。欲與俱焚。天爲反風。息火。居喪三年。不內。不暈。母崔沒。亦如之。父友姑蘊陸璘。元進士也。家貧無子。父嘗許以葬。

地父沒後璘亦亡璧購地以葬曰無使先人食言地下  
鄭太史益爲作鄭孝子傳璧所著有完軒集藏於家

### 陳敬

陳敬奉化人年十三家貧業樵一日隨父入山虎攫其  
父去敬卽攘臂大呼疾追及之乃履其尾而以杖擊焉  
虎怒舍其父嚙敬啖之父尸賴以得全鄉之名士哀而  
作誄者數十人

### 朱煦

朱煦者僊居人福州太守朱季用子也性至孝母楊氏

孝友

卷之六

十五

先碧堂

性嚴難事，諸子稍不如指，笞之不已。勲事之盡恭。洪武  
中，詔天下盡革令歲以上積歲官吏爲民害者，季用任  
福州，僅五月，例遠赴京，亦論罪輸役。時城役嚴，日用錢  
數十緡，季用又病痢，被楚不能堪，謂子煦曰：「吾貲力豈  
足任此？吾旦夕死已矣，無爲汝累。但取吾骨歸葬爾。」煦  
惶懼不敢離左右。季用不得死，時在役告枉，令嚴甚，告  
而請極邊者三人，被極刑者四人。已煦奮曰：「吾無術以  
脫吾父，訴不訴等死。萬有一吾父以訴獲免，卽萬幾死  
無憾。父僚同役者交阻不聽，具告枉狀上。」上悲憐其

意乃赦季用復其官時以煦訴得復官者十四人皆拜  
季用謝曰微君有孝子吾儕骨肉皆爲城下土矣而煦  
以憂勞過富死十四人者哭臨猶已子焉福州痛子之  
死也疾益甚未幾亦死

陳錫玄圭

陳圭字錫玄黃巖人洪武初父叔弘爲仇家所訐罪當  
死圭自陳願代父死使得自新通政司以聞上大喜  
曰不意今日乃復有孝子宜赦其罪爲天下勸刑部尚  
書開濟奏曰罪有常刑不宜屈法以開僥倖之路遂聽

圭代死而請其父隸兵雲南

江浦教諭祝廷心金

祝金字廷心，麓水人。資性純厚，幼不妄語。年十八，負笈師事金華宋景濂。四年學成，始歸。洪武甲寅，父彥方同知安陸，與郡守郁斌借坐累，謫役鳳陽。金卽脫縫掖衣，短後衣，負貲裝往代勞。役明年，疫癘大作，死者相枕藉，郁無他子弟侍側，疾革，託以身後事。旣沒，金爲經紀歸其喪。已而父亦遘厲，金日奉湯藥。夜則顙天，洒泣請以身代。父瀕死者數四，氣纔屬，續夜半忽大呼曰：吾兒安。

在於是絕而復甦已而父遇寬恤恩得復原官遂引年致仕既歸而疾作弗能起金盡心湯藥衣不解帶者七年未幾父歿擗踊不欲生恐傷母心扶杖啜粥治喪寢苦三年夜伏塊飲泣比曉拭淚以事母備極甘旨時時強笑以求母惟未幾母復歿哀毀如其喪父凡父母平生所嗜終身不忍食遇忌辰必先期齋沐致祭畢慟哭不食者累日弟仲嘗求異居室廬田園從所擇無難色郡邑兩舉不就築室白溪山中有終焉之志久之與仲俱徵仲應詔授秦府紀善金以疾固辭已知郡邑屢遣

其門請分教麗水不獲已乃就力以興起斯文爲已任  
改江瀾教諭乞致仕歸金學問該洽操履端方教學者  
必以持敬爲主雖謝事家居筋力漸衰晨必冠帶詣家  
廟肅揖一月之朔望必造先塋祭掃鄉黨宗戚相顧者  
未嘗以老疾辭所著詩文若干卷皆溫純雅正類其爲  
人

李仕開

三子孝瀟悌漁忠漁附

李仕開鄞人操履方正州曲有爭必往質之三子長孝  
漁次悌漁次忠漁少孝友根於天性依依親側弗忍斯

須去。兄弟怡怡。有事。兄必先弟。而弟恆代兄行。親癯。感  
額。聚謀。分走。東西。求醫藥。旦夕。迭侍床下。親食。復食。親  
或旬日。未食。則水飲。克廢而已。終弗御七箸。洪武初。郡  
國例造戰艦。官以仕開富室。率衆編戶成之。旣成。使者  
驗艦。苦窳。坐法。送讞。秋官。時孝漁弱冠。請代。父囚。曰。父  
老。我壯。宜往。梯漁甫十八。已出。爲從。伯後亦曰。兄素多  
疾。弗能任勞。願留養親。且親所愛也。我當往。使者恐其  
非情。兩械之。而偵其所以。兄弟終不易辭。遂囚其長者。  
孝漁至秋官。論輸作都門。涉水。雪負土石。手足瘦瘠。流

血。艱。險。備。嘗。凡。一。閏。歲。會。赦。免。歸。居。十。年。任。闕。又。以。富。室。主。料。量。米。耗。法。當。大。辟。忠。漁。生。十。九。年。卽。荷。械。詣。官。曰。盜。米。者。囚。罪。在。囚。身。幸。釋。老。父。官。聽。其。氣。貌。許。之。送。御史院。有。旨。免。死。黜。而。戍。竟。沒。遼。東。父。卒。二。子。號。哭。幾。絕。者。數。四。永。樂。中。屢。舉。孝。漁。明。經。俱。以。母。老。乞。終。養。辟。不起。比。母。卒。二。子。哀。毀。如。喪。父。己。亥。詔。天。下。纂。修。國。志。太守。汪。旭。起。孝。漁。總。裁。郡。乘。書。成。而。卒。後。七。年。悌。漁。亦。卒。孝。漁。性。行。仁。厚。遇。卑。賤。者。必。賑。給。而。不。使。之。知。隣。有。阨。疾。晨。往。問。之。以。錢。十。緡。置。枕。傍。而。去。冬。雪。見。寒。士。衣。

不掩許解衣爲贈歲大侵斛米可易金二十四銖乃曰  
吾豈乘時射利者耶環宅種竹夜遇盜笄者急避之而  
復採笄置籬外其行事多類此所著有經書問難通鑑  
考證急就章解四明文獻錄四明名賢記長律英雄中  
林集藏於家梯瀟勁峭不阿面折人過人亦服其公

危文學貞昉

危貞昉臨海人以周易占郡庠有聲工詩而性剛直每  
讀書至古人忠孝事輒歛衽久之曰使貞昉生其時亦  
當如此爾洪武中其父孝先以進士爲陵州丞坐法請

使。滿。江。貞。昉。奔。訴。於。郡。守。願。走。代。父。役。守。難。之。遂。號。泣。  
於。庭。曰。人。孰。無。父。哉。守。感。動。聽。之。遂。卽。日。上。道。伏。闕。陳。  
奏。上。惻。然。聽。以。身。代。貞。昉。卽。日。解。儒。衣。欣。欣。就。役。無。  
雜。色。然。體。質。羸。弱。不。勝。任。負。之。苦。越。七。月。竟。以。役。死。

### 趙以行紳

趙紳字以行。諸暨人。父秩。工詩文。精篆籀。永樂時。任高。  
郵州學正。入京。舟次武城。偶墮水。紳卽擲身水中。抱持。  
之。河流悍急。俱不能出。明日官爲出其屍。尚以手持父。  
行。不解事。聞旌其門。

葉文榮

葉文榮海寧所軍餘也。性勇慤而孝友。天至有弟文龍。醉毆殺人。官司訊服。其母鍾愛。飲泣不食。文榮痛弟無知犯法。恐母成疾。一旦奮然辭母而訣。曰。我年長有子。願代弟罪。以奉母暮年。遂詣官。自暴毆殺之由。釋弟歸。文榮竟坐法。臨刑笑曰。吾以一死而全母弟。所得孰多。雖飲刃何恨。說者曰。世之君子。兄弟不能容。往往以細故相訐。如寇讐。文榮不學武夫。篤於孝義。從容就死。如此。可以激千古之頹風矣。

繆肅

繆肅定海人。兄弟七人。至老同居。聚族近百口。自祖保  
陳父永宗。至孫蘭計五世。耕讀各職。其業歛散。需賔事  
各有條。鄉人義之。

喻祿孫

喻祿孫。嶧人也。事嫡母至孝。母死。結廬墓傍。晨夕哭奠。  
冬夜。虎忽入廬。祿孫號泣呼母。虎弭耳去。若有爲之驅  
者。西漢張胃爲之傳。

許廷璧瓏

于元祥附

許瓊字廷璧，鄞人也。仁孝出於天性。少孤，依其母。戀戀無頃刻，舍時出外，或就塾師歸，必歷舉所見聞告母。母輒喜，有所使，唯唯而趨。長極奉養，問母欲，必極力供具。至城市，有時熟鮮好味，必急致之。或向夜，必携一燈，走三十里，抵家，親烹飪以進。因復歷歷舉城市中事告母。伺母安寢，始退。嘗夜歸，燈滅，遇神火於道，瓊就廟俯伏乞罪，已而神火復送之。抵家，平居恒言孔門以色養爲難，此不假外求，不費貲貨，直易耳。故其母常言兒愛我，卽就乳時無二態。惟願子孫亦復如是。居恒言動不

荷室中有婢二十六而嫁仍處子也里中有大姓相携積不能解瓊一言卽跪謝散去至今茅山之陽稱淳孝篤行者必歸焉子元祥成進士以才俊名

徐恩

徐恩山陰人家貧不甚知書而孝友出天性與兄文剛新項里嶺日未午一虎從葉篠中出噬文牙貫肩項恩急顧得一木楮趨擊虎數十下持不可奪則躡文足自後擊之虎乃釋文走恩度虎必復來於是曳文首前向立跨屍以待且大呼曰天平吾與虎何讐虎殺吾兄天

尚相與殺此虎。復兄警少選。虎迂行負上勢奔突而下。恩側身承勢。橫扼而擠之。虎輒失足。旁逸若是者數四。隣族聞者。或匿林薄間。呼恩弃屍。自脫。恩厲聲曰。汝能助助我。不能毋撓我。今日斷無弃兄理。我不與虎俱生矣。虎欲施不得。復奔突如前。垂至。則人立不動。亦若出奇。設疑意在乘間以逞者。恩直前批之。適中其鼻。虎創甚。始卻步徐行而去。然猶數回視焉。旣而救者咸至。共輿尸以歸。恩力竭病累月死。方恩病時。有以義士譽之者。恩愴然涕曰。吾恨力止。此不能磔此虎以祭吾兄。吾

乃以是得衆人譽。吾獨何心哉。邑大夫蕭鳴鳳傳其事而爲之贊。

馬孝子扁

馬扁者城西外僑也。生而篤孝。日賃傭養母。時時問母所欲。不計有無難易。輒竭力致之。無以供鮮。新常夜漁以饌母。得危疾不能具醫藥。則中夜額天。斷一小指煮湯飲母。母遂愈。人稱爲馬孝子云。

蔣孔志鵠

蔣鵠字孔志。青田人。幼而喪母。哭泣如成人。年十六侍

父宦游京師，父卒，扶柩歸葬。廬墓三年，數有虎咆，啼馴  
逸若爲之衛者。墓木產白鳩，鳩每哭，鳩卽應聲，悲鳴哭  
止而鳩鳴亦止。喪終飛去，聞者以爲奇。著有喪親記、菊  
菴稿若干卷，藏於家。

鮑孟彝倫

鮑倫，字孟彝，鄞人。甫七歲，父鱗游學吳楚，莫知所向。母  
孫氏撫倫稍長，服賈養母，務盡其懽。朔望焚香，額天願  
父子終相見。如是者二十年，忽有老人自慈谿來，謂倫  
曰：汝父曩與我客湖廣，至漢陽東塢，授徒贅婦，生二女。

不幸死矣。盡往歸其棺。倫大號急。假裝走漢陽。如老人  
指踪跡之。良是婦家懼有他意。訟於縣。倫情弗卽白。繫  
獄數年。縣上府。府上之監司。監司謂疑獄錄。有刺血驗  
骸事。親按墓所。發棺。令倫咬指。滴血。直入枯骨。其事乃  
決。倫卽買棺。歛以已附體之衣。訴乞歸葬。監司許之。表  
其空穴曰孝子塚。倫歸。家人或陰陽家言。弗聽。扶柩入  
堂。倫不爲尼。卒。停棺正寢。苦塊哀毀。朝夕臨哭。如初喪。  
不踰旬。妻妻子女死者七人。無有子遺。倫心靡悔。卜兆  
葬焉。越數年。復生子女各一人。倫性慈好施。歲飢。里媪

市布爲僞銀所紿號泣求死倫憫之易其銀投江中相  
獲有弗給者反助之俟明秋來償不取其息甬東路衝  
漁盜卽大旱斥鹵亦汚人衣履倫捐金伐石甃成坦途  
已而所甃之石隱隱有巒障松竹若圖畫然觀者如市  
咸謂倫仁孝所徵云

禮孝子郁

禮孝子名郁桐鄉人家貧少孤母孀不二郁事之極孝  
晨昏定省愉色悅容言動兢兢恒以辱親爲懼母疾郁  
晝夜扶持湯藥不解帶者數月母竟不起哀毀踰禮卜

葬某山，多石，不可以穴。郁徬徨，悲泣焚香，叩天曰：「郁不孝，使吾母葬無處所，罪莫大焉。惟天憫之，越四夕，忽夢一衣冠偉人，語之曰：『穴在湧泉。』可丈餘耳，毋苦也。」驚覺，掘詢堪輿家，無所謂湧泉穴者。一醫士聞之，曰：「吾醫家有湧泉穴，在足心。意者山之麓乎？」因求之，果得土，僅容棺。母既葬，廬於墓側，晝夜哀哭。如初喪。初，山無泉，每食必汲於山下，往返甚艱。後忽有泉，自石罅湧出，流於坎。色瑩而味甘，郁資之以炊，免下汲。喪終而泉隨竭。人始奇，歎曰：「天定其穴，地錫以泉，此孝之爲天經、爲地義也。」

人不取名，俱稱之爲禮。孝子、孝子嘗作家訓七十篇，其論子職者二十有五，其餘皆修身正家事也。若孝子者，可謂以身教，非徒以言者矣。身教者，從故傳之，至今。

黃仲信鐸

祖原照附

黃鐸字仲信，遂昌人。曾祖道俊，丞襄陽，以誑誤下大理獄。祖原照擊登聞鼓，槌死。鼓下鐸痛祖之以孝死也。乃建望雲菴肖像於中，終身哭泣，不輟。嘗自題像贊，有學聖賢學，學不能成，道聖賢道，道不能行，儒衣儒冠，空負虛名。惟孝惟友，無辱無榮之語。故以孝友名其堂。至今。

人稱孝友貴家。

崔彥齡永

崔永字彥齡海鹽人七歲喪父其母韓氏更事里人桑  
慎慎仕于朝爲翰林編修遷御史洪武間以事謫戍海  
南韓氏與偕往永思母不置遂徒步走海南行次瓊州  
得見母會慎沒永求歸母所司以配屬不許永哀請於  
朝許之歸舟遭風母失水永入水負母得活而永竟以  
寒疾死江西布政使茹大素葬祭之海南人至今稱崔  
孝子云

何永年良

何良字永年富陽人年十四母疾刲股以進父病露禱於天乞以身代父嗜鱸魚臨終思之歿後每祭必市鱸魚居後水中忽有鱸生取之供祭以爲常又夢母思鹿肉號哭入山覓之忽有一鹿馴伏就縛載歸以祭人皆歎其孝感。

鄒昊

鄒昊嘉善人母年七十因夫親故哀慟喪明昊延醫治之不愈昊朝夕泣禱於天嗽水舐之俄而母兩目中各

重生一贈復明如故

丁允中徵

丁徵字允中，新昌人。天性篤實，少習舉子業，稍長，弃去。力行孝弟，衣冠言動，必以禮。諸大家爭聘爲弟子師，辟日親在，不敢遠離。乃就近舍授學，每旦必具衣冠揖父母，而後去。得一珍味，必携歸奉親。晨昏定省，夜必兩起。至寢室外，潛候動靜，雖甚寒，不廢。途遇諸族父，負指必拱而立，恂恂應對，惟謹。蚤歲妻亡，不再娶。見內人必擁而避之。宗戚憐其貧，或賙給之，謝不受。邑令欲賓致之。

屢辨不可復乃徒步走百里至城老幼聚觀若神物然  
所著有四書講義詩易註解從吾心說

趙文學初

吳伯昭牛通附

趙初括之麗水人也少游邑庠家貧力學專父母以孝  
聞宣德間父以疾卒初哀毀骨立杖而後起苦無葬地  
友人吳伯昭割地與之躬負土成穴遂成疾日長號大  
呼曰天平使吾親入土雖死無憾奈何未襄事而遵疾  
耶雖病猶匍匐舂鍤間無何竟不起其友牛通憐初之  
死於孝也并其親葬焉

夏正寅寅

二子煥灼附

夏寅字正寅山陰人性至孝父歿而葬恨家貧不能豐  
馬。賦言輒淚下一夕洪水湧土積塚上高七尺隆然若  
堂寅學無所不窺雅好吟詠咸評其詩云淡如陶令霜  
中菊清似王維雪後蕉一時名士皆宗之二子煥灼煥  
字克章灼字孔章並以孝友能詩世其家人以擬元方  
季方云

張處重

妻周氏附

張處重景寧人也天性篤孝父伯澄以註誤被逮檄至

度不能免欲自經四子皆徬徨無措處重時年甫二十  
獨毅然曰事雖難脫寧可坐視父刑囑其妻周氏曰我  
往必死汝當善事吾親撫幼子也言訖就逮竟死於獄  
周氏刻苦自樹終全晚節人稱其夫婦孝節兩全

楊上舍錚

孫梁附

西安楊錚添之曾孫也兒戲卽習爲定省儀長事父母  
曲盡誠孝在胄監時忽心悸遯歸而父果疾越十日  
死後以母老不赴選侍病三年非迎醫未嘗頃刻去左  
右及卒以哀毀不勝喪而沒孫梁登進士以政事稱

廣州守沈公禮琮 弟琿附

沈琮字公禮，平湖人。與弟琿同舉進士。琮少穎悟，兄弟齊名而琿稱奇童。舉鄉試第一。琮家居奉先，事親情文俱備。教子弟有儀範，鄉人化之。父母喪，兄弟廬墓六年。不茹葷，有馴禽瑞草之異。事聞，有司琿既卒，例不得旌。從旌琮門，琮表願以旌。及亡，弟事雖弗果，聞者義之。官終廣州守。琿終監察御史，以風力稱。有集若干卷，藏於家。

桂恭

桂奉慈谿人天性至孝父宗蕃卧疾恭甫八歲卽能承  
顧顏色侍奉湯藥頃刻不離左右泊長有室孝事益恭  
凡親所欲必先意迎合來問疾者見語意相得輒具饌  
延欸以悅親心宗蕃性嚴重操急稍不適意輒怒不食  
恭夫婦跪床下候怒解得意方敢起溷廁溷浴未嘗委  
之婢僕四十年如一日正統丁卯東隣火迫宗蕃疾劇  
不能起恭抱父號慟頃臾風止火滅父獲以安成化己  
丑恭得疾類其父忽有老人欸門授以丸藥遂辭去酌  
以金郤之出門不知所往已而服所授藥病遂起人以

高純孝之報。

周應麟廷瑞

周廷瑞字應麟山陰人少有孝行一日他出忽心動馳歸而父疾正劇廷瑞侍湯藥晝夜不眠寢正統間流賊鄧茂七亂於閩朝廷發兵討之其父隸尺籍當往廷瑞悲號請代有司憐而更之欣然荷戈無悔色已而力學領鄉薦聞父訃哀慟幾絕喪終以母老不忍離遂絕慮仕建母歿廬於墓有白兔之祥年七十一卒。

馮瓌

馮璪。慈縣人。父景祚。年老失明。病卧床蓐者十五年。璪事之。始終惟謹。家雖素貧。每食必備甘旨。惟所欲進之。里人王公子鐸。輕財好義。素重璪。延之家塾。每有珍味。璪輒不食。鐸覺之。必先餽其父。然後饌璪。璪始食。父有老婢卧病。爲奉湯藥。如事父。或訝之。曰。是嘗視吾父病。如身病。竭力扶持。不憚艱苦。吾安得不視彼病如父病哉。忘之。是忘吾父矣。聞者嗟歎。當路者重其行。欲踰以聞。璪曰。此子行之常。若以希褒錫。是市名也。力辭之。

季彥良養

季養字彥良瑞安人性篤孝親歿結廬墓側手植松柏  
終身不飲酒每忌日輒不食以先世月泉遺文散遺  
得之奔走燕冀閩洛間求以表章與人言輒流涕人嘆  
其志。

杜孝子濬

杜濬上虞人也始生而父卽遠遊久不歸濬年七歲卽  
知痛父旦夕念之不去口及總角受室纔一月卽涕泣  
告母曰父又不歸兒何以爲子誓將尋之雖千萬里必  
得父而後返第兒以幼不識父計今父亦老矣又將以

毫不識見縱使交臂或恐失之計必如何而後可母乃  
審父形貌模爲圖以授淫淫遂負圖於背單步訪尋至  
雲南金齒驛見一人質質然而來聞其聲似鄉語也淫  
心動披圖按之良肖急前持父臂一一訊其鄉里妻子  
又良是於是父子相抱大哭已而大喜未幾父死復大  
力扶觀以歸依新昌梁州同渡鄱陽湖風浪大作舟將  
覆淫長號籲天曰淫萬里尋親僅以觀歸願忍葬之魚  
腹乎天何不念淫至此風浪應聲而息乃克歸葬人稱  
之曰真孝子

孫經 弟緯附

孫經、海昌農家子也。父早歿，與其弟緯奉母以孝聞於鄉里。其母忽得一疾，醫莫能療。常時忽思食一物，卽得無恙。稍緩則疾作矣。由是二人竭力營辦諸品，咸備俟其雷而卽納焉。嘗思大蝦作羹，值二子農事方亟，卽輟工。週行河港，凡數里，并諸坊市，俱無所覓。二子憂之，驚惶無措。方少頃，於門見水際忽動，兢解衣入水求之。却得數尾，既巨且鮮，喜不自勝。急調羹進母，而病已賴二子之孝存活數年。

朱仲穆子堯 弟子理附

朱子堯字仲穆世居遂昌之獨山讀書好古以義祭自持鄉人有聞者就子堯質其是非一言而解其弟子理少有孝行長敦詩書事子堯如事父正統間宜平寇入境慕其德義以劍書其門曰積善之家相戒不得犯一鄉賴以獲全

孫仲文宗敵

孫宗敵字仲文錢唐人幼有至性六歲喪父卽知哀慕母楊鞠之宗敵瞻依寡母相倚爲命寒暑朝夕未嘗暫

維及長益竭誠奉母每且必具衣冠問起居及請所食  
食既得請卽治具以進雖資給不克而甘願必致豐  
母或不應則皇皇如有所失長跪請故深自引慝必獲  
命而後起時物未經供親不以入口母或感微疾衣不  
弛帶以待湯藥奔走騰祠無所不至及母以大壙終喪  
毀晝夜不輟君喪三年廬於墓側旣免喪猶日操一簋  
携一飯一蔬至墓所展哭屬墓之左右有以墓地來售  
者宗嚴慨然曰吾欲廣吾親墓地而使若親無葬地者  
乎厚加稱貸而謝之地得不售人謂孫孝子於是乎能

錫類矣。及年逾八十，病既革，猶扶掖至母旌節坊下，稽首謝國恩，寵亦以示終身，不敢忘母氏云。

章希盛尊

章尊字希盛，新昌人。三歲喪母，卽悲啼不食。旣長，事繼母如事所生。父感風疾，痛痒異常，尊爬搔撫摩，終夜弗寢。如是者十數年。父將卒，謂族人曰：「尊真孝子也。」願其子孫克似之。旣而居父喪，哀毀具至，督學鄭瓊造廬存問，載之學記以勵諸生。

潘沈

子琴附

潘沆景寧人也。謙厚業儒。凡詩文過目輒成誦。事母甚孝。冬必以身溫被。母卒家寒。跣足營葬。結廬於樹而守之。子琴字舜絃。博學能古文。辭登天順進士第。歷官興化府知府。未老引年。作招鶴詞以寓意。卒年九十。離蒲陽四十年。故治民猶時。時移書問安否。聞其卒。士大夫無不問。識不識皆寄哀挽以悼之。所著有竹軒集。咏史和唐詩行於世。

方貫

方貫淳安人也。家貧採薪以養父母。父歿負土爲墳。廬

於墓側三年母歿亦然時多虎患虎至貫所每猝與相  
遇亦不爲暴人皆異焉終喪後繪二親像凡事必告飲  
食必薦如親在時終身不娶以死時人憐之

趙司訓夔

趙夔字舜臣世家江山之文溪里童孺事親卽知承顏  
願志凡飲食必後父母父母怒則負罪俯伏必豫親而  
後已弱冠補邑庠弟子時奉學規終歲必官齋肄業念  
違定省輒垂涕泣嘗乞假歸侍父母強之就途中道而  
返者數四比至庠念泣如初當時稱爲趙孝子以歲貢

司訓高郵未幾母死哀毀骨立服除稱興化平海衛學  
德教如高郵致政家居足跡不出城市結詩社課子孫  
著龜懿德遠邇儀刑有不平者咸就質焉嘗味武戾寧  
靜致遠之言遂以寧靜名齋弟子稱爲靜遠先生

王士忠葵

王葵字士忠杭州右衛人少業儒不就乃博觀羣籍肆  
爲古詩歌又能推其大旨以自力於孝弟旦夕羞養必  
躬行出必告所如歸必詣膝下肅揖親常怡色卽喜否  
卽懼戒家人無敢出聲伯兄歲行役京師葵請往父母

日吾固適爾。爾代兄勞。孰與遺親安也。蔡卒留治家。囊不容一私錢。母憐之。與五金管兒女費。蔡受不辭。暨父母亡。伯兄求析居業。已均產。蔡顧妻取篋中七十五金。來仍兩均之。兄愕問安所得金。曰。是某年月日。阿母與吾五金爲兒女費者也。吾息之幾年。得此義富。與兄共其出納。具有時日不爽云。

瀘州知州宗濟才社

宗社字濟才。金華人。性至孝。父疾。竭力就養。及歿。廬墓三年。母目雙瞽。社每旦出郭。汲溪流爲母洗滌。復舍汲。

以舌舐之。目遂復明。未幾母卒。葬日陰雨。幾不克裹事。社號泣呼天天。忽開霽。禮成。復陰雨如初。天順中。有司上其事。詔旌其門。曰孝行。以國子生授知瀘州。

翁世宏浩

翁浩字世宏。錢唐人。自弱冠。至老齒。未嘗有偽言。過行。事父母至孝。昏定晨省。出告反面。不以有急廢其禮。一日屢出。亦屢告不已。既沒。告於祠堂。少壯老猶一日。嘗入京師。母家居感疾。兩日愈。此兩日在舟中。反側不能。寐少寐。卽見母病狀。驚寤復少寐。復夢見如初。當與伯

兄從子析產時有故往吳郡是時胤子廣平太守相甫  
十歲還書誡之曰吾誠耻是爾無取均焉廣平奉教祇  
取一二粗敝衣與宗嬭處極老無纖芥憊人俱稱其長  
者

馮文學圻

馮圻字叔京少爲邑庠生性至孝父病痰接晝夜扶掖  
湯藥必親嘗及卒廬墓泣血骨立有芝產於墓側因名  
其山曰芝山告歸養終母喪如其父所著有芝山稿

虞靜之灌

真。漢。字。靜。之。郵。人。旬。旬。時。即。依。依。父。母。父。母。行。輒。抱。持。  
不。忍。捨。總。髮。就。外。傳。讀。詩。至。明。發。有。懷。蘊。蘊。隕。涕。尚。書。  
楊。文。懿。公。見。而。撫。其。首。曰。篤。孝。兒。篤。孝。兒。既。長。迎。顏。承。  
志。惟。謹。從。兄。讓。之。籍。官。民。亡。歸。有。司。逮。捕。甚。急。父。憐。其。  
衰。且。老。命。灌。代。之。輒。承。之。無。難。色。既。就。役。文。懿。公。爲。之。  
請。得。免。歸。既。而。父。遘。荆。醫。禱。備。至。每。夜。稽。顙。北。辰。求。代。  
親。爲。墳。赤。血。縷。縷。見。及。卒。慟。絕。復。甦。三。日。水。漿。不。入。口。  
嘗。念。其。父。好。老。氏。家。言。日。誦。道。德。經。一。遍。畢。乃。哭。淚。下。  
浸。磚。磚。爲。毀。裂。喪。畢。懸。像。置。器。如。其。生。及。母。病。逝。哭。飲。

哀其一如其父遠其內子非祭不相接非病不入間如  
此者十五年孝子體貌壯偉至是哀毀骨立不復舊容  
因自號曰瘦齋里中人稱曰虞孝子先是月朔哭有白  
鳩來巢寢室馴若依人聞哭聲則鳴鳴鳴喪終而去

虞仲賢紳

虞紳字仲賢義烏人性醇厚好讀書與邑人王汶相友  
善以古道自持不追時好居父母喪哀毀致疾遇忌辰  
竟日悲號事伯兄如事父稟命惟謹逾十年兄喪紳效  
鄭義門家規飲族同居內外無間言居家以正倫理重

祭祀調子孫爲事晚年尤嗜學手不釋卷發爲詩章多有關於世教平生至積梳髮二十餘斤遺命殉葬其數俱類如此

王瑁

王瑁桐廬人幼而失父事母至孝居喪哀毀骨立負土營葬廬墓三年慈鴉數百集於塚木瑁朝夕哭鴉亦哀鳴與相應喪畢瑁歸鴉亦散去木枝遂折人以爲孝感所致

觀尚敬忠

魏忠字尚敬處州衛人也自幼岐嶷豪邁過人十五歲補郡庠苦心竭力研究經史年二十領鄉薦第二事親以孝聞母病衣不解帶湯藥必先嘗以進及終葬祭盡禮發明忠孝二經字說又制喪禮一書爲士林翹楚剛正之節至今猶在人口

陳德茂滋

陳滋字德茂義烏人天資強記言動不妄尤篤於孝友居親之喪執禮過謹幾成毀滅事繼母如事所生由太學久當選人勸之行歎曰吾惟不忍遠親以至今日合

孝友  
訓  
卷之二  
五  
吾母老矣。復何忍更離哉。築小園優游其中。事親之暇。日以孝弟訓其子孫。鄉縉紳稱之曰古君子。

### 李鼎貢儂

縉雲李儂侍郎棠之子也。事父母承顏怡志。竭盡其誠。以父撫廣西。侍母左右。頃刻不忍離。及應貢。母固遣赴部。冢宰王翱欲授京職。以母老。辭曰。願歸養。不願仕也。乃與金華教授。又辭。翱曰。有此父。乃有此子。既居喪。蔬食三年。足跡不履私閭。叔父原劇病。儂就其室。飲食之。以便省視者三年。繼祖母楊氏。久患痰。每疾作。喉中格。

格不能通。但常以日親啖之。無難色。時稱爲孝子。順亮云。

何養仁訥

何訥字養仁。富陽之方郭人也。事父母盡孝。依依膝下。如嬰兒。或他出。雖雨雪必歸。不忍一宿於外。父歿。負土營葬。結廬墓傍。以居。終制之日。羣鴉飛繞墓所。徊翔竟日乃去。

梁祚

梁祚景寧人。世居溪濱。母終未葬。洪水暴至。衆挈資具。

以避。祚獨念母。櫬未舉。號泣徒跣。射往攀而扶之。漸水深。足不能踰。顛踣幾沉。溺者數四。祚乃盡力以必濟。爲期既而。水勢盤旋。若有人推而助之者。漸入堂奧。得依梯爲固。乃號於人曰。吾在此。母櫬可以無慮矣。既而檢其家具。所漂沒。視他家。獨少。潘棊爲作孝感記。

孫都昌文原

孫文原。字宗道。慈谿人。經明行修。母王氏沒時。授經於語溪。不限晝夜。徒步而歸。哀毀骨立。父尙病。痢。文原嘗其糞。緝知不可生。額天求代。割股肉以進。疾遂愈。文原

孝心純至唯恐人知或見其股痕卽掩覆曰嘗病瘡耳  
領鄉薦官都昌輒號哭曰祿不逮養食寧下咽耶清德  
懿行人多稱之

孟春

孟春錢唐鍛工也貧無本業受傭於人得其直以養母  
每出傭必數日一歸省隣人不戒於火燎迫其居春聞  
馳歸而母老方酣卧不覺春不顧烟燄入負母或止之  
不聽遂與母俱焚死明日出二屍煨燼中春猶抱母不  
脫也見者無不爲之隕涕

何邦直兢

何兢字邦直、蕭山人。父舜賓舉成化己丑進士爲御史。坐事謫戍慶遠。後以赦歸。會當塗擲簪。亦以御史謫蕭山。令性鷙悍。無所顧忌。舜賓嘗有小忤。魯啣之。詭言舜賓。數歸無驗。械送戍所。囑解者屏其食飲。侵辱之。至餘子夜。掩殺於昌國寺。又欲捕兢。兢逃匿蕪州。父友王容政。與家痛憤。激切。終夜不寢。嚙臂以誓復仇。久之魯遷山西。僉事兢乃潛歸。募死士數十人。扼之於途。窘辱萬狀。眇其雙目。復送憲司。累奏於朝。兩遣官卽訊。坐魯死。

以競復讐之孝止擬徒朝議以唐梁悅例編成廟寧正  
德改元赦還闔志紀其孝曰復讐編成云

陳廷章璋妻錢氏附

陳璋字廷章仁和人早遊郡庠以貢入太學天性純孝  
不以貧故儉其臚之供父文貴年老癱卧便溺數下璋  
晝夜不離側衣不解帶假寐以湏父欲興卽扶掖頸不  
授枕者十餘年妻錢氏成夫之孝篤誠事姑如患疽滌  
口吮之而愈已復患腸結危在瞬息錢氏親以指導之  
竟得瘳未幾父母相繼歿夫婦竭力營殯絞衾棺槨哭

澹稱。踴俱如禮。當時稱璋之孝者。以爲能刑其美。

### 樊迪

樊迪。潯雲人也。性至孝。事父母。承順溫清。悉與禮合。雖薄味。必親饌。以進。母年九十。而終。苦塊三年。柴毀骨立。事父益謹。同寢處。垂三十年。父時百有三歲。每延賓客。親扶杖。屢蹠。然侍側。怡如也。未幾。父歿。哀毀如喪。母天性之孝。老而彌篤。人以比之。老萊。

### 樂子仁惠

樂惠。字子仁。西安人。師事王文成。潛心理學。事父母。肅。

○ 盡孝道母嘗患瘋疾手足拘攣者十三年惠溫衾扇枕  
○ 飲食撫摩必躬必親始終不怠及父母相繼卒與妻吳  
○ 氏負土裹事廬墓三載朝夕哭奠哀絰頃刻不去身一  
○ 夜風雨虎入其廬馴擾若畜犬然服闋南胄移書請爲  
○ 六堂學長辭不赴時龍游水北梗化郡邑申之監司請  
○ 惠徃布行鄉約梗化者革心自是深居寡出而四方學  
○ 者雲集無慮數百人以壽卒於家

何宗道倫

何倫字宗道江山縣人天性至孝居父憂哀毀踰禮忌

日。曠。咨。嗟。涕。泣。如。初。喪。時。事。母。毛。氏。尤。謹。溫。清。定。省。舉。事。必。如。禮。家。雖。貧。而。甘。旨。不。缺。衣。服。必。備。或。營。辦。不。足。輒。借。貸。於。人。日。不。若。是。何。以。慰。吾。母。心。及。母。亡。殯。歛。一。如。古。禮。三。年。蔬。食。如。一。日。喪。畢。猶。不。釋。服。不。入。內。鄉。飲。亦。不。赴。日。吾。親。在。沒。土。吾。其。忍。乎。郡。邑。守。令。重。其。行。威。賂。之。葬。賻。對。使。者。拜。受。於。家。終。不。造。謝。曰。吾。罪。人。不。敢。至。公。庭。也。孝。子。貧。幼。失。學。年。二。十。七。始。發。憤。讀。書。聞。陽。明。先。生。講。學。於。越。徒。步。千。里。受。業。其。門。及。有。得。則。徧。游。江。湖。求。友。於。四。方。以。證。所。學。抱。璞。掩。瑜。日。臻。於。道。陞。歿。

之日不二不亂。孝子無子，一女婿柴惟道亦高士云。  
趙先生鏗曰：余髫時，猶及見孝子。今屢過孝子巷門，猶  
低徊景慕，不忍去。因詢其遺事，知孝子和而介人也。一  
邑令欲見孝子，孝子不屈。適族人有重役，令曰：孝子見  
我，可免也。孝子薄其人，竟不往。族人怨且言，不顧也。有  
酗酒者，擗孝子於溝。同行者欲毆之，孝子曰：此飄瓦觸  
舟者類也。奚毆爲？又一日，盜入其室，竊器物而出。孝子  
覺其人而不呼，將取釜，始言曰：盍留此備吾母晨炊。盜  
赧然盡還其器物。大聲曰：盜孝子者不祥，自是其人不

後爲盜、隳若孝子者、將非王彥方之流也與

論文學友

雷孜字景修、山陰人、補邑庠生、嘉靖初、其父華以里徒、解流徒徐鐸赴口外防範、過嚴、鐸銜之、投毒於羹、華一夕暴死、都下孜聞訃、號慟、往扶觀、歸、誓必報讐、時嘗已脫走、徒蹤歷數十郡、聞已歸越、匿其甥安城楊家、一家乃結力士數人、佯爲賣魚者、往來偵伺、迄無所獲、乃卜諸城隍、得渙之三、益悲痛欲死、是夜夢神語之、曰、若以渙爲不祥、獨未知一喚卽在目前乎、孜驚寤、詰

且請齋乞。初郡守南大吉。壯之。益以機兵。夜半至安城。驟入楊氏。呼徐鐸。鐸應聲就繫。卒置極典。夜遂不復應。舉養繼母。以老鄉里學校間。共稱爲復讐喻孝子。

太常寺少卿潘府

潘府。上虞人。以進士。仕至提學副使。乞身。終養。遂不起。後以薦。陞太僕少卿。改太常寺卿。致仕。嘉靖五年。以微疾卒。府性至孝。居喪。倚廬。終身孺慕。嘗上疏請行三年之喪。又上聖學淵源。中興治要諸疏。言言誠懇。有致君堯舜之意。移孝作忠。府實有焉。居家有篤行。愛人以德。

鄉里少年有不善其父見必提耳誨之曰爾不畏濟水  
常知邪其爲鄉評乎重又如此旣卒巡按御史潘倣請  
乞祭葬禮部復言四品文臣例有祭無葬上以府孝  
行可嘉特令有司管葬以風縉紳之爲子者

感恩縣知縣董道卿遵

從子聲附

董遵字道卿受學章文懿公篤志力行貢入禮部試居  
首選授南昌府學司訓正身率物士多向風轉溧陽教  
諭陞知江浦縣立積散法爲備荒計在任一年百廢具  
舉因蠲乞近地便養忤當道意調知廣東感恩縣授檄

歸養家居不蔽風雨擔石寡儲而事親盡孝道從子  
輩篤學力行事父母及生母以孝養聞三喪九年不御  
酒肉不入內寢雖衰經已除而哀慕不替邑令既其事  
於朝以貢格異等授思南府推官思南故夷服地聲以  
禮義訓化之米糲之接六年如一日人以一門二孝廉  
稱焉

董宗順叔

董叔字宗順鄞人也父舉人鏊早世叔以遺腹生稍有  
知見母感泣輒共其泣黠黠繫母膝無頃輿離稍長就

外傳。歸。輒。夜。繫。母。膝。作。嬰。兒。戲。讀。書。夜。央。必。入。伺。母。寢。  
撫。衾。褥。安。暖。始。卽。睡。母。疾。不。解。衣。帶。飭。粥。湯。藥。不。以。他。  
屬。事。見。如。父。未。嘗。不。敢。食。勞。必。先。承。出。納。必。受。命。二。姊。  
俱。有。疾。視。飭。粥。湯。藥。一。如。母。長。姊。卒。卹。其。養。子。如。親。甥。  
居。恒。以。不。得。繼。父。業。及。無。以。表。揚。母。節。爲。恨。隣。有。相。侮。  
者。每。以。德。報。族。黨。無。不。傾。心。及。疾。候。者。履。滿。其。戶。皆。屏。  
息。踏。足。而。人。恐。驚。淑。寢。也。其。爲。人。敬。愛。如。此。時。年。四。十。  
二。竟。先。母。卒。至。今。人。猶。能。道。其。事。

周豪。縉雲人家貧。父久病。醫藥勿效。豪祝天。斷葷飲三年。每夕焚香拜斗。祈代。忽一夜。夢中若有告曰。後園有肉。可療父病。起索果得一鳥。爲羹而進。父疾頓差。發而爲赤。豪日夜抑搔之不離左右。妻屢以治生爲言。生怒出之。父疾復作。斷葷祈禱如初。疾又愈。後數年。父卒。無葬具。備身取直以葬。廬於墓側。朝夕哭臨如初。喪形骸骨立。越暮而死。鄉人憐而葬之。過其墓者無不爲之墮淚。

唐布衣熊

唐蕭蘭谿布衣士也。性澹泊。恭修孝友。母鄭夫人。年老喪明。起居必敬扶持之。不離左右。伯兄漁石公。以刑部尚書乞養歸。蕭恭謹承意代勞。母夫人殊安之。視祿養之不如色養也。家貧。幾不自給。而處之裕如。雖兄陟上卿。益自勵所守。終其身。不殖家產。蓋無於陵之避。而有仲子之風者矣。

朱文學恭

妻吳氏附

朱泰。會稽邑庠生也。甘貧力學。母病痿不能起。泰與妻吳氏。日侍左右。親扶掖之。夫婦日飯粗糲。布褐常不完。

而母之服。僕極鮮。服母性頗暴。異常跪受。箠已輒起。進飲食。婉婉如初。秦死無嗣。或勸異他適。輒號踊欲絕。曰。我之不遽死。以從夫。地下者。以姑在也。設有賊心。姑將何依。何以見夫。於九泉乎。卒奉姑。至歿。辛。苦備至。不以殘故。薄姑之飲。絞衾棺椁。梓祭葬。無不如禮。陶文傳大。臨重其孝節。爲白於官。捐已俸。建祠祀之。已而 詔旌

其門。

劉晉

劉晉昌國人也。嘉靖間。倭寇入城。其祖老疾不能行。家

人各挈妻子走。惟晉弃妻子不顧，獨負其祖而逃。賊將  
及，祖曰：我老甘死，汝宜急去。晉抱祖痛哭曰：寧忍捨祖  
以律生乎？卒不忍去，遂俱被殺。

### 凌太守立

凌立，錢唐人，少孤，事母以孝聞。登嘉靖三十二年，陳瑾  
稱進士官比部，明允有聲，遷建武太守，多惠政，爲僚黨  
所忌，罷歸。爲人爽朗明辨，語多幹略，奉節母色，慕備至。  
老而彌篤，母歿，一痛骨立，數月竟卒。人謂終身之慕立。

無規云。

沈良十

沈良十，鄞人也。嘉靖乙卯四月，倭賊至鳴鶴鎮，男女避  
避巷，無留人。良十時年已七十矣，而母年九十餘，足弱  
不能起。良十急負母，至五里外，力竭不能行，息山舍中。  
賊追至，乃拜跪請死，願代其母。賊見母子俱，鬚髮頹老，  
舍之而去。賊繼至者，又舍之。良十憐母飢渴，方圖食飲，  
而賊又至，或舉刀欲砍其母。良十以身覆蔽，號哭，遂被  
殺，而母竟得全。

陳受益謙 弟謙附

陳謙字受益海鹽人天性孝友父瓊視甥沈秋官疾歿於京邸謙稱貸重趂走數千里扶柩歸葬哀毀逾制寡母在堂遺家旁落衣食每不繼謙與弟讓藉毛錫協力勉承意志母欣然忘其貧讓有心計善料理謙委以家政悉心經紀不數年而置田及頃構屋二所兄弟食則同案卧則同榻共愛五十七載怡怡無間言謙號雁洲讓號雁渚因扁其所居之堂曰雙雁士大夫咸稱慕而詠歌之謙無子初子內甥情謙曰昔人滅鄆春秋所譏猶子子也蓋子吾子命季子策與情同嗣讓仍斥妻奩

置產分給之族黨以爲宜謙少爲諸生薄舉子業弃勿  
事而讓以家貧推擇爲吏性堅正修潔每執法與邑長  
爭長怒將笞之譏撫而泣曰奈何虧體以辱親止弗嚴  
遂閉門讀書兄弟自相師友興至則填篋更和以自適  
海上諸名士詩筒往來無虛日皆稱之曰陳家二難

王教授錦

王錦錢唐人性至孝奉養必竭甘旨二親寢疾湯藥必  
親嘗及卒哀毀骨立幾不勝嘗習業山寺中一日家僮  
曝無身石首魚數十枚時翁廣平與共學怪而問之曰

侯大人朝夕之餘耳廣平稱爲純孝以鄉貢仕終廣府  
教授

向文學叙

向叙字叔禮慈谿人憲令七世孫也幼慧而有高志舉  
動擬步古人年十六入府庠文藻驟發而恭履端謹人  
益器之嘉靖丙辰海寇突入縣叙掖母而逃遇寇東溪  
路叙仆地直前砍其母叙急起抱母頸疾呼曰寧殺我  
寧殺我賊舍其母殺叙而去

董景文暉

童驪字景文海鹽人痛母早歿事父孝養備至爲諸生時往嘉禾赴考途遇鮮鯉買之冒雨跣足走回烹以奉父方赴考父或怒伏地受杖怒解命之起始起年七十猶戀戀如嬰兒然或問曰公純孝天有報乎曰吾自盡心耳何望於天嘗乏炊鋤地得瓦甃中有錢千餘盡以奉父膳殆天賜也

馮文學履祥

馮履祥字君德慈谿人。生七歲卽穎悟好讀書弱冠補邑庠弟子員嘉靖丙辰倭賊卒犯縣履祥隨父出齊賊

適斷父左手且裂其背履祥以身蔽之泣訴曰此吾父也願無加害寧殺我賊竟刃之死其妻袁氏遁於靈山時孕將臨蓐夜夢一赤面神語之曰爾夫爲父死不可使無後吾當與爾一子產時無恐次日婦果生一子文值倭寇將入賊馬皆止策之亦不前賊不越境而去一方稱寧人謂靈山驃騎大將軍神威之庇與得見慶祥蓋履祥孝感所致云

陳昌

子九德一德孫鈞與附

陳昌秀水人也事母盡孝母遘危疾晨夕奉藥裹侍藥

母忽思食鯉時昏夜入市不可得乃秉炬循溪行  
俄聞水躍聲解衣浚水得巨鱗爲羹奉母疾隨愈迨居  
喪廬墓三年以誕辰祀母有一雁從天而下舒頸鼓翼  
馴擾庭中祀畢始去里人繪二異圖詠歌之事具姚公  
綬傳中後子孫多馴行孝謹九德甲子順天中武令潛  
江一德生子懿典官翰林院編修一德以子貴稱封公

賄吏部侍郎張汝誠懃

子時敏時政時敬孫邦奇曾孫子珩附

張懃字汝誠鄞人八歲失父卽刻苦於學雖一飲一食  
且誦且吟終不釋卷學詩卽能詩學文卽工爲文卽諸

名家莫能相雄長者諸長老乃更勸之仕。懋滋然曰。吾  
母。笑。笑。癯。居。保。抱。不。肖。以。有。今。日。卽。青。紫。可。拾。得。忍。爲。  
絕。裾。行。邪。休。矣。乃。棲。遲。衡。門。旦。暮。上。堂。問。所。疾。苦。滌。衣。  
衆。羞。甘。旨。煦。煦。如。也。旣。而。仲。氏。客。死。則。終。日。涕。泣。瞿。瞿。  
他。恤。不。復。謀。戶。外。事。行。義。篤。至。惇。睦。宗。族。潔。虔。享。祀。人。  
無。間。言。嘗。書。其。壁。曰。不。同。乎。今。之。人。我。之。樂。不。及。乎。古。  
之。人。我。之。憂。子。四。時。敏。以。子。貴。封。吏。部。侍。郎。時。收。舉。進。  
士。仕。終。泮。鄉。令。時。政。時。敬。皆。隱。德。弗。仕。孫。舉。進。士。者。一。  
人。曰。邦。奇。仕。終。南。京。兵。部。尚。書。曾。孫。舉。進。士。者。一。人。曰。

子瑁官刑部郎中。堪以邦奇貴。累贈吏部侍郎。

陸尚質

陸尚質世家山陰海濱之丈午村。其父一中以庠生教於鄉塾。陸慶已巳秋八月七日。東書渡海口。風濤拍天。舟東瀉。將入洋。質從隄上號慟躍身。濤中擬拉其舟。時觀者傾落。謂父子且並魚矣。俄而舟或逆濤上。若有絆者。一中遂濟。質竟死。濤中鄉人憐之。求其屍不得。且謂質死水與曹娥無異。而其父得生事尤奇。乃名其渡處曰陸郎渡。

提學僉事江子望圻

江圻字子望，仁和人。曉之子也。登隆慶戊辰進士，歷官  
廣西提學僉事。品鑒精核，無不服其公明。屬有侵其職  
守者，遂抗疏解官歸。蟬蛻軒冕，高視一世。卽當路力挽  
留之，不顧也。圻爲人純孝。天植父母病，憂形色。詞嘗藥  
誌羹，永不解帶。行不正履。居父之喪，泣血三年。席苦枕  
塊，食淡茹素，不入燕室。三年一日也。每過其內，目必俯  
不一視。婦過亦如之。當路高其行，欲以孝旌。廬圻力辭。  
謝曰：奈何以父死爲名高哉！力行古道，至人所以爲之。

則恐懼思逃焉。議恭篤厚，生爲貴家子，父祖皆至六卿。身又弱冠，拾魁京國，其所被服，僅如寒士。遇閭里親故，至貧賤者，輒卑身敬事之。以是賢聲溢於衆聞，郡中與臺里媼亦知其爲君子也。方承天，每稱之曰：江子望之。居喪有古人所罕聞，今人所未見者，人以爲信然。門人私謚圻爲端孝先生，子鐸別有傳。

吳叔良人驥

妻談氏附

吳人驥，字叔良，歸安人。太平，廡守一儒之季子，弱冠廡於學宮，稱一時之雋。方太平未上時，里中有盜魁，太平

發其奸於當路置之法及太平卒官歸索如洗盜魁之子欲得當以報父讐且妄意室中之藏乃聚黨排戶入執母錢恭人而劫之驥聞母被執升屋而號盜懼救至連發二矢中驥股及頤墜於地驥力嚙矢鏃去匍匐走母所以身捍刃急令家人盡搜索中裝以陷之得首飾數事而已盜大失望徐登屋去復發一勁矢中驥脅越三日以劍甚死將死呼妻談氏嚙之曰善事吾母又指談腹曰是遺者若男也并二孤善教之遂瞑談哭殮驥甫四月而遺孤念祖生念祖稍長索父而啼稍語之故

則大嗜談阿曰阿母在奈何傷老者心則母子相向吞  
聲泣念祖益發憤與伯兄相繼以文學起而念祖尤有  
聲稱海內方聞之士談壽七十餘去曠死幾五十年水  
霜之操老而彌厲三老上其事與旌例合當事者允行  
之矣忽爲健者所壓削其牘念祖奔走哀祈之不聽遂  
哭於庭晝夜不絕聲當事重其孝列上得讀旌其門曰  
孝節論者曰不有叔良之死孰使瀕死之母得生不有  
念祖之生孰使旣死之父不死叔良之孝死孝也念祖  
之孝生孝也一死一生各行其是而念祖之孝至矣君

子以爲知言

何士明倫

何倫字士明錢唐豐寧里人天性孝友方四五歲時得所分鮭炙不食而藏至夕更薦父母稍長讀書至古人忠孝大節輒撫几而歎父病不解衣侍湯藥者五閱月及卒哭踊不欲生凡附於棺者必竭盡其力不敢以貧故儉其親及葬負土成墳與傭伍雜作晨夕攀柏面號哀感行路以母氏病弗克廬晨往暮歸楚楚道路固嘗荷雪而僵遇所知掖之返又嘗警於虎不爲動歲大侵

與妻子雜採湖中菱芡共米菽而飯三時上食列筵如  
故母不知其爲侵歲蓋甘倫之養者三十年開八袞乃  
終而倫亦白首矣猶孺泣如喪父不少衰伯兄死無嗣  
俾其子兼稱世父事丘嫂如事母買二地而封樹之以  
歸父母族之貧死者家故有甘井闢汲道以與鄉里共  
義聲與孝譽人人無間言倫雖奪於養不獲究經術然  
往往能涉獵大槩有所得發爲聲詩直寫性靈不顧工  
藻績嘗懷思其親賦烏夜啼成而自歌之泣數行下隣  
里爲之悽惻邑人有訐其令去官者倫歎曰是不可長

也。父母雖不慈，子不可以不孝。乃爲正俗八議，上於監司郡邑。衆聽其議而莫能行，論者惜之。倫老而益篤於學，有家規心訓二書，并雜詩文若干卷，總名之曰何孝子集。督學蘇濟序而刻之，其略曰：蓋不佞親風吳越之間，而得何子倫者。越之獨行隱君子也。當其埋首蓬蒿之間，結茅窻窻之側，蓼莪悲號，皓首孺慕，斯已奇矣。乃其所條說大旨，以孝義嫻睦爲先，期以尺寸其身無玷缺，而諸所裁定，又能因時爲吐茹，高不駭下里，通不倍先民，殆非詹詹然迂言無當也。令得如漢故事，以孝弟

賢良比於甲乙當無作容而乃黃髮編萌間徒以君陳之政修之門內不得隴州郡以見所長可勝惜哉然其為布衣高行有聲不忝忝以老且往者至上厯天子之重臣為之別其井里世世稱曰善人斯亦足以風矣

順昌令孫天會朝宗

朝宗字天會嘉善人性篤孝事父百歲翁夙暨母鍾而盡其誠飲食卧起必躬與偕而以其餘博綜羣籍蔚起為時聞人隆慶丁卯領鄉薦每上公車輒戀戀膝下不能去已而母歿因泣而廢書欲絕意仕進百歲翁強

之日、弄仕無以行德也。始謁選、得順昌令。嚴毅平恕、邑  
有沈獄不自者、下車卽爲平反。歲適大侵、悉心以賑、公  
廉不足、搆倖佐之。境內竹忽結實如米、取以雜糜飢者、  
夏不瘠而腹人以爲循吏之感。朝宗居恒恨祿不逮母、  
百歲翁時春秋高、且去家二千里而遙、卒有不諱、何以  
爲子、亟告歸、歸而事翁、歡意承色、十八年如一日。及百  
歲翁謝世、朝宗擗踊不欲生、三年不內宿、不外飲、喪葬  
必如禮、言及必嗚咽流涕、後竟以不勝喪卒。朝宗少游甘  
泉龍溪兩先生門、學有源本、伯兄以病瘵死、哭之慟啓。

其衾與同卧曰吾今而後恨不復與兄共此被也其孝友篤摯如此自奉簡素食無兼味衣取澣濯冬日嘗以敗絮自擁性尤不喜干謁然聞人有寃者必侃然白之而後已公府以此嚴重之卒年七十有五

南京刑部郎中鄭叔平履準

鄭履準字叔平端簡公曉之仲子生而神駿稱汗血駒爲諸生試輒冠軍端簡竒愛之中外數歷必携之自隨端簡旣以蹇諤忤分宜失上旨禍且叵測準外虞玉碎而內又不欲瓦全苦心調劑以承端簡之志荷上

明聖以執法賜罷歸途舟覆孟河端簡方浮沉洪波中  
準叩心長號擲身於水泗而出之雖幸無恙而病瘡下  
殊甚準多方調治衣結者月餘端簡愀然歎曰趙涓死  
孝吾兒生孝可謂不媿古人未幾疾作竟不起準一痛  
幾絕含歛如禮已念端簡之功未白乃衝凌冒雪徒步  
數千里伏闕上書穆皇帝爲之惻然乃遣官祭葬進  
階錫諡并錄平倭功廕一子入監讀書準性篤孝自端  
簡沒恐傷母顧宜人心朝夕膝下戀戀如嬰兒顧宜人  
知其意不忍去母以事君也雪涕勉之日兒以父廕得

官是不死死父也而又可藉手以報生君奈何不務其  
大者準敬應曰諾遂謁選得都察院照磨未匝月而頗  
宜人之訃聞矣準舉聲一號嘔血丹地策蹇疾驅望國  
而哀入門而慟復嘔血數升崩痛慘裂以不得視含歛  
哭輒血與淚下三年苦塊不內不葷既免喪從政未嘗  
色喜每逢忌日卽不食哭臨擗踊如初喪血輒嘔不可  
止復聞兄弟之遺孤有相繼死者卽移疾歸撫棺而號  
輒嘔血殫殫時時神泣不可藥竟死先是端簡公艱於  
子夢漢壽亭侯携二兒授之曰一爲忠臣一爲孝子未

幾舉光祿卿。後薄繼舉舉光祿以上書杖闕下有直聲  
而率卒以孝死。殆天之所命也。邪率以任子。歷官南京  
比部郎。所至多政績。卒年僅五十。壽不究其才。世共惜  
之。

孝子王伯化

王伯化。慈谿人。少讀學工文章。補博士弟子。事父母篤  
孝。內外無間言。父病。臥。晨夕定省。行則躡步。立則屏  
氣。默伺聲色。以進湯藥。夜則兀坐床側。衣不襁帶者數  
旬。父愈而後即安。父以析著事。兄弟有違言。伯化往。慰

調和務以天機動之父不聽則長跼終日父悟友愛如  
初已而父死哀毀如禮事母貞視父在婉順有加丙辰  
孟夏倭夷突入縣治士民老稚倉皇出走伯化腋母出  
郭外鄉隣有同行者曰賊迫矣曷求活計伯化曰母活  
我活安用求爲隣人蹊水田亟遁去僕再告曰賊迫甚  
子母恐不相顧矣僕亦舍去伯化持初心愈堅腋母前  
母曰子母同死無益汝棘去詰朝可收吾骸伯化號泣  
腋之如初望賊而號曰吾饋汝金母傷吾母賊方揮刃  
向母伯化以身承之遂遇害賊見伯化死掠其金不兵

其母而去。至隆慶壬申，母虞以壽終。萬曆丙午，督學使  
者李作舟，捐俸立坊以旌之。而劉尚璽、世龍爲之傳，論  
略曰：風霜以刑草木之性，危亂而見忠貞之節。伯化爲  
母，排戈刃，赴戕折，其心見矣。某於嘉靖間，以言得罪，家  
居抱疾以老。近有詔，賞前罪，更進之秩，以旌直。實出  
望外也。伯化之事，安知後無白於朝者乎？書之以附司  
馬子長不虛美之義。

題川先生朱寅叔陳範

朱陳範，字寅叔，海鹽人。裔出紫陽。元末有仕爲海鹽倅。

者因家焉。弱冠爲名諸生。喜臨池工詩文。詞壇推爲祭酒。性極孝。父癯老。有五子。範獨任色養。不以甘脆煩弟。兄至出入扶持。調劑湯藥。一以躬親之。不一命婢僕。妻子以勞爲請。範曰。吾心安。親心始安。雖勞不病也。子學。顏舉於鄉。當北上。瓊念其幼。命範與偕。範不肯曰。兒安能去。父左右爲小子作計耶。父強之。再三範不得已。挾子而北。比至都。忽夜夢。父心動。棄子。試不顧。急策衛。衝水雪走。七日夜抵家。時父果以思範得疾。及範歸而卽霍然。人以爲孝感。伯仲兩兄俱無子。範子宜嗣。乃并祖。

業推與二弟曰。弟子皆子也。何必子。吾子且吾子。已。成  
名。安敢復求。多造物。使兩弟抱不均之嘆乎。於是兩弟  
遂推高贊。稱素封。而諸阮輩復時時出錢。樵子母於鄉  
之貧。爰值歲凶。人多不能時償。範歎曰。兒育珍。視阿堵  
將無有加於人乎。乃出已贊。代諸鄉人償收其券。沉於  
河。姻黨倚以舉火者數十家。貧不能葬者。輒削扎佐之。  
然未嘗輕以語人。曰。豈可令受者無色哉。邑有冤獄。範  
請當事者。以一言解之。受誣者得不死。一夜獻五百金。  
爲壽。竟絕然。日。母汚吾耳。父母忌辰。輒號泣不食。如初。

喪。操管窺喪於墓傍。或言乾皮氣重者。範潛然曰。生且  
虛此死將焉往。泉路無雲。望親何所。後人遵治命。不敢  
他卜也。範生平無疾言。遠色。溽暑。未裸袒。易簣之日。早  
起沐浴。更衣冠。拜家。紫陽祠。招親友。承訣一語不及私。  
惟索筆大書。儉用。勿貪。勉學。勿競。子孝。臣忠。弟恭。頰頤。  
題老絕筆二十字而逝。年八十有二。子二。長卽學。顏舉  
進士官。終潛山知縣。季學斌。字幼恩。博聞強記。以古文。  
辭雄視一世。晚得寒疾。匡坐讀書。不輟。竟以勤學死。詞  
林士至今惜之。

尚寶司卿孫埈

孫埈。忠烈公燧之仲子。與伯兄都督堪。季弟少宰陞海內稱孫氏三賢云。埈少敏慧。過目千言。輒成誦。弱冠工爲古文辭。然弗事構思。伸欲走筆。俄頃立就。先達見之者。咸噴噴嘆爲倚馬才。正德乙卯。忠烈公爲都御史。巡撫江西。馬賊死埈。聞變。乃偕伯季各礪霜刃。徒跣赴營。會賊平。扶觀歸葬。結廬墓側者三年。時五色芝生塚上。白兔繞廬。人皆謂孝感所致。忠烈公有子以孝繼忠。而又高才能文章。三賢之名因而益著。旣終制。猶服墨衰。

懇辭取應嘉靖己丑詔下選貢之格督學使者自以堪  
應計借北上適值纂修祀典選入史局授中書舍人稍  
遷大理寺正改尚寶司丞所居綸綍文翰之司刻意著  
作士林雅重閣三考晉尚寶司卿先是埤兄弟奉其母  
楊太夫人就祿京師朝夕承惟靡不竭情埤年已六十  
餘孫曾滿前而舞綵謳歌出告反面老而彌篤及是楊  
太夫人棄養伯堪以衰年過毀死而埤與季陞扶二觀  
歸哀慟顛號屏絕饋醴及封丘寢虛枕塊如喪忠烈公  
時甫終制而竟以過毀致疾卒蓋埤自己卯之變抱恨

終天客有諱及忠烈公事者輒悲愴不任曰吾兄弟雖  
願天地所欠一死者爲老母也故登堂奉母備極歡娛  
退而燕居哀憤不置卽間發爲詞章意恻語悃令讀者  
酸鼻宜其以身殉母也孫之先世自後唐明宗時由睦  
後姚道脉儒風巍科顯仕代不乏人至忠烈身植綱常  
儀表百世而焯兄弟三賢力敦孝友文武齊名益昌大  
其門閥云

龔汝霖墓

龔曇字汝霖義烏人幼有至性年十七父演病躬調湯

藥衣不解帶。比卒哀毀殯葬如禮。事母尤謹。承顏順旨。凡四十年。母卒。廬墓寢苦枕塊。日飲薄糜。一小器莫獻。悉號三年如一日。有司以孝聞。詔旌表其門。賜八品官。從其家。

潘時循琢

潘琢字時循。蘭溪人。性孝友。不私妻子。父喪毀瘠骨立。酒肉不入口者三年。母患瘋癩。琢衣不解帶。痒疴痛楚。隨意搔摩。梳洗水火皆身理之。母久卧思起。乃制軟輿。與弟昇之。惟母意所適。與之游衍。如此者七年。母歿哀。



戴華字君寔嘉興人故有兄夭死獨身與父母居弱冠  
不欲娶曰吾在民間卽汲爨可自任奈何以井曰故舍  
二親與兒女子處居久之父病家赤貧不能辦饘粥藥  
餌費乃痛哭奔走市中所以拮据者甚力晝夜扶持衣  
不解帶櫛沐都廢父卒不起華痛哭仆地垂絕者數四  
已仰見母髮垂垂白也勉自抑或獨身之野外痛哭歸  
而以歡顏對母隣父老見者竊傷之又十餘年母病所  
以拮据藥餌饘粥費如其父病時而母亦竟不起先是  
母病華晝夜哭甚哀聲達於巷是日忽聞然無聲戶竟

日不起。隣父老驚相與排闥入視其母已死。華伏母傍  
向。覆着床上。候其息甚微似已絕者。則又大驚。急灌以  
湯藥得稍蘇。乃張目謝隣父老曰。母死華不獨生。何以  
傾公等復痛哭。聞者皆不能仰視。隣父老既已無可奈  
何。遂切責以大義曰。毀不滅性。若徒死無益。若卽死。鬼  
其餒而於是不得已。勉進米日一劑。柴毀骨立。至無復  
人色。朝夕設奠。輒痛哭嘔血。三年一日也。既免喪。隣父  
老共來相慰。且語華曰。前子之不肯娶者。欲一意以養  
父母耳。今父母既沒。所重在祀矣。不孝有三。無後爲大。

子試思其大者遂相與求里中得賢女曰是可以記  
子華遂有室是時華貧甚炊烟屢斷啖粗糲不能飽工  
歲時伏臘上食几筵必極豐潔上食時又痛哭嘔血如  
初喪路人聞之無不揮涕皆稱之曰戴孝子戴孝子孝  
子有二子其事華亦如華之事父母云海內諸名家以  
詩贈孝子成帙而長水項貞之烏啼篇最佳其詞曰城  
邊月黑烏啼起明星高高啼未已雙鷺推顏尾畢過啼  
聲夜慘行人耳東家蝴蝶西鴛鴦汝何單飛不成行白  
頭一雙向巢墮悲啼繞枝心內傷可憐傷心聲轉迫啼

傍空林無氣力，眼底雙雛自長成。至今尚想烏頭白，所  
嗟烏。今汝勿啼，汝今生雛還其柄，汝不生雛枉鳴咽。白  
頭之烏從汝絕。

虞國賓舜卿

虞舜卿字國賓，錢塘人。少爲諸生，厭薄舉子業，竟棄去。  
日以古文詩歌自娛。其於技射、方術、書畫多通，而尤篤  
於孝友。養母及母所愛子，代兄溘瀆，死不怨。酬以沃田，  
轉授詩姪。一日哭父，莫聞空中語曰：有虎，言至再。甫及  
下山，而塔前路，即在齊視母疾，雙燈自移引路。人以

爲孝感所致有雜集握奇經註

兩浙名賢錄卷之六終